



“HERONJTË E PADUKSHËM”

Përmes aktivitetit “Heronjtë e padukshëm”, Agjencia për Ndhimë Juridike Falas (ANJF) shpalos punën e zyrtareve të ANJF-së përmes intervistave me zyrtarët ligjor të Agjencisë për Ndhimë Juridike Falas.

Njihuni me Sadulla Salihu, zyrtar për ndihmë juridike falas në Gjilan, përmes intervistës së realizuar.



Sadulla Salihu është një nga zyrtarët më me përvojë në Agjencinë për Ndhimë Juridike Falas, i njohur për kontributin e tij të jashtëzakonshëm në ofrimin e ndihmës juridike falas në qytetin e Gjilanit. Siç thotë Sadullai me fjalët e tij: "Drejtësia është themeli i një shoqërie të drejtë dhe gjatë gjithë përvojës time profesionale jam përkushtuar të kontribuoj në këtë drejtim." Sadullai është adresa e parë për shumë qytetarë të Gjilanit të cilët ballafaqohen me probleme juridike të ndryshme dhe që kanë nevojë për ndihmë juridike falas për të zgjidhur ato probleme përmes rrugëve ligjore.

Që nga viti 2007, Sadullai ka punuar me përkushtim, pavarësisht prej sfidave të ndryshme që i janë paraqitur dhe ka treguar aftësi të jashtëzakonshme komunikimi dhe për të kuptuar nevojat e qytetarëve, pavarësisht nga përkatësia etnike apo kulturore. I pyetur për rëndësinë e punës së tij, Sadullai u shpreh: "Kjo punë për mua është më shumë se një profesion. Është një mision për të ndihmuar ata që janë në nevojë dhe për të ushtruar profesionin ligjor me integritet dhe përkushtim."

Sadullahu nuk është vetëm një shembull për t'u admiruar nga komuniteti i Gjilanit, por edhe një frymëzim për të gjithë ata që punojnë në fushën e drejtësisë. Ai ka treguar se me përkushtim, kulturë të hapur dhe respekt ndaj çdo individi, është e mundur të krijohet një shoqëri më e drejtë.

Përveç punës me palë në ofrim të ndihmës juridike falas, Sadullai gjithashtu kujdeset për të ndihmuar dhe mbikëqyrur praktikantët duke u dhënë frymëzim dhe mbështetje në zhvillimin e tyre profesional. Përmes një citimi frymëzues, Sadullai na inkurajon të gjithëve: "Nëse dëshironi të ndryshoni botën, filloni nga vetja juaj dhe ofroni ndihmën tuaj. Megjithatë, të vetëm nuk mund të arrijmë shumë, por së bashku mund të ndryshojmë për mirë shumë gjëra."